

— 433 —

gern vnd der stat ze Luzern, vnd zuo den waltlütten der dryger waltfette, Bre, Underwalden vnd Swiz, des obgenanten vnser̄ herren des Herzogen, vngheorsamen vnd alten wigenden, da ist derselben von Zürich engschuldigung vnd gemeiner rede, nach gesamnotem geschren, vnd offenem lümden, also har komen vnd gestanden, daz si dieselben buntnütze ze schaden vnser̄ herschaft von Oesterrich, vmb nicht anders taten, noch getan habent, denne allein darvmb, daz sich derselbe vnser̄ herre der Herzog, vormal̄ zuo üch verpflichtet vnd verbunden hatte, vf iren schaden. Vnd wan der iez genante vnser̄ herre von Oesterrich vnd die finen, von derselben buntnutze wegen, die er zuo üch tät, grozzen schaden vnd gebresten emphanen vnd genomen hant von den obgenanten von Zürich, vnd irn eitgnozzen, dar vmb vormal̄ von vnser̄ herschaft wegen och erkennet ist, vnd ir gemant murdent, ze helfene wider dieselben sache, als ir och darzuo gehulffen hant mit ganzer macht, davon nach wifunge vnd ordnung der buntbriefen, vnd des bundes so vnser̄ herschaft von Oesterrich mit üch hat, haben wir die vrogenanten alle fünfe, nach vrfraq, vnter vnf selber, vf den eit gemeinlich vnd einhelllich erkennet vnd erteilet, bi vnser̄n eiden, erkennen vnd erteilen och offentlich vnd vnuerscheidenlich mit disem briefe, daz die egenanten von Zürich, vnd ir eitgnozzen, solichen berlichen gewalt, vnd so grozz vnrecht getan hant, vnd noch tuond, dem vrogenanten vnser̄m herren, dem Herzogen von Oesterrich vnd den finen, daz derselbe vnser̄ herre, über helfe noch fürbazzer, wider die egenanten sin wigende, wol bedarf vnd notdurftig ist, vnd daz er üch darvmb billich manen sol vnd mag, er selber, oder wir an siner stat, daz ir im darzuo behulffen vnd beraten sint, mit aller über macht nach gelegenheit der sache. Darvmb so bitten, vordren vnd manen wir üch in dem namen, als da vor, an des obgenanten, vnser̄ herren von Oesterrich vnd vnser̄ selber̄ stat, ernstlich vnd gemeinlich mit disem briefe, von der egenanten vnser̄ buntnutze wegen, daz ir bi den eiden, die ir darvmb ge-sworn hant, behulffen vnd beraten sint, demselben vnser̄m